

湖上題襟  
癸巳集

共和甲  
午野雲  
廬輯校

序

晚唐段柯古曾編漢上題襟集十卷收錄其與溫庭筠溫庭皓韋蟾元絲余知古王傳徐商等在襄陽節度幕府中唱和酬答之作以後同人相與唱和以抒寫襟抱之詩文萃編每以題襟命名姚重光論文後編目錄下所謂用宏於題襟途廣於贈答語妙書工旁開藻飾鐫崖鉸木渙衍寰區巨可及於江山瑣亦周於廁溷是也漢上題襟集中雖多諧噓之語而高華富贍性情畢見如柯古嘲飛卿七首之二云醉袂幾侵魚子纈飄纓長冑鳳凰釵知君欲作閑情賦應願將身作錦鞋以淵明願在絲而爲履附素足以周旋嘲之實則許其

湖上題襟 序

一

檢逸辭而宗澹泊始則蕩以思慮而終歸閑正也飛卿答段柯古見嘲云彩翰殊翁金繚繞一千二百逃飛鳥尾薪橋下未爲癡暮雨朝雲世間少以尾生抱柱相期並自許其信念之執著可知柯古臨歿致書飛卿云慟發幽門哀歸短數平生已矣後世何云况復男紫悲黃女青懼綠杜陵分絕武子成覩自是井障流鸚庭鐘舞鵠交昆之故永斷私情慨慷所深力占難盡不具香草美人之思高山流水之音百世而下猶令人歆慕不已漢上遺風而今已邈靜言思之寤辟有標客歲嘉平陳兄忠平以湖上題襟癸巳集見示所收作者凡八人皆鄴陽才俊其中吳榮森柏窗王學炳礧山釣客江德玉思

仁吳江春觀瀾陳忠平一得愚生黃小梅茹寒六人長居故土而  
李映斌紅葉與顧君從山則寄跡京華窗前披覽覺其詩風雖  
異而皆有瀟灑出塵之想盥誦久之擊節者再一燈紅照五  
內香凝不期漢上之餘音猶裊於鄱陽湖上都昌縣也時積  
以葆我貞禮失而求諸野想其春秋佳日嘯詠竹林杖擲裙  
飄風生雲起探梅湖埭青衿與綠萼同馨簪菊元辰山影共  
波光一色此中樂趣若非素心人焉能解會而其詩外所蘊  
悲慨則尤非名場中人所能體察也昔胡漱唐爲黃百我鳳  
山樵隱詩鈔作序嘗喟然歎曰士不得志於時而以空文自  
見非士之幸亦豈國之福哉允哉斯言爰爲之歌曰漢上之

湖上題襟 序

二

流雲兮影曳乎鄱湖之波心邀仙侶以相羊兮拈彤管而題  
襟漫沿洄而訪勝兮空對月以彈琴松風起於遠岫兮願卜  
宅於劫外之山林 甲午仲春劍邑晦窗主人梅雲草于洪  
州青山湖畔

目錄

內集

湖埭探梅……………一 竹林踏春……………四

舫公塘觀荷……………九 元辰山簪菊……………一一

鳴山卜歲……………二一 周溪消寒……………二七

外集

新正讌談……………三一 蘇山迎夏……………三三

礪山湖道暑……………四五 南山翫月……………四七

余村采風……………五五

湖上題襟

目錄

一

湖埭探梅

起社人 吳榮森柏窗

吳榮森柏窗

梅花分得邀字

曬出桑田著意邀塵風一夜轟碑雕迎合何君家口味  
惜分那處樹花苗香車明月溶溶夜翠閣昏燈滴滴宵  
疆海煙雲虛望眼春朝逸興翦鮫綃

廣場分得之字

欲覓清芳解不怡穿城繞郭且隨宜聽風拂掠靈湖凍  
掛眼鍾憐野樹衰山角朦騰初淑氣苞芽衝破最寒枝  
待春更把幽期約壺酒香氤兩醉之

湖上題襟

癸巳  
內集

一

王學炳 礪山鈞客

分得子字

點點報春梅一元將復始凌寒冰雪中含笑煙霞裏疏  
影隱芳心暗香浮淨几山溪凍未融探徑偕諸子

分得人字

終年不竭南門水眼底清波可鑑人偌大廣場驚野老  
如椽彩筆立高新傍欄異石尋常貴飛壁銀鈎分外珍  
佳境有期佳客顧會心一笑自天真

江德玉思仁

分得晚字

時如車走轍一夜春風挽傍水釣青雲依山尋紫苑詩  
香南柳村景秀西河堰逸興醉心頭爲梅歌夢晚

分得時字

新年新社新風暖恰在情中正適時逐浪人遊心可醉  
聞聲令啓我當維景同燈照湖邊月竹伴梅從閨苑詩  
由此開端如畫美敢憑山水入瑤池

湖上題襟

癸巳  
內集

二

吳江春觀瀾

大寒前兩日柏窗公起梅社特偕釣客思仁一得  
諸君子往花園尋梅以少陵詩之子時相見邀人晚興  
畱分韻依齒分別得相興二字

佇立小園披艷陽尋梅未必問形相蒼枝虬榦滋幽悖  
綠萼含苞蘊暗香有日將迎春日發著花好伴雪花揚  
恪守天時重誠信騷客何須引領望

圍爐頻舉杯又起新詩興社結臘春梅心宜山水勝純  
情抵萬金綺夢尋三徑遣意弄朱弦何人傾耳聽

陳忠平 一得愚生

探梅分得留字兼寄李顧二君都門

北陸晴曦薄寒鳴振白鷗逡巡問春信次第踵城陬  
榦禿風仍掃雪消芽自抽含香苞不坼清氣爲誰留

偕諸兄覽文化廣場新刻碑林分得見字詩乃予  
搜荆勘校也

周朱杖履過教化敦吾縣人物迭騰英文章紛吐絢千  
年劫火經一夕流風變遲佇撫碑新古賢終不見

黃小梅 茹寒

湖上題襟

癸巳  
內集

三

問梅自拈留字

瘦影搖寒野徑幽料猜芳蕊得無稠尋花詞客如相問  
但爲東君願借留

題文化廣場自拈晚字

斷鴻煙暮漁歌遠大浪淘沙新月偃欲問精金有幾何  
耀碑寶刻商風晚

李映斌 紅葉

新正二日偕野雲廬柏窗二友湖邊遊賞見臘梅  
開應鄉課拈人字

一樹悄然放冰姿立水濱何須見幽獨尙有惜花人葉  
蕊含新露郊原萌早春欣然隨故友寒客賞猶親

顧青泓從山

柏牕兄起梅花社於杜詩之子時相見邀人晚興  
留拈一字迺用之字韻再寄都昌諸友

參商兩地慨何之老憶寒花開又遲未破愁城孤客淚  
還藏雪海萬方思殘灰心熱猶能熱舊事年深悔自知  
歲晚歸墟應把酒從今不負嶺梅詩

湖上題襟

癸巳  
內集

四

竹林踏春

起社人王學炳礪山釣客

癸巳杏月十二日雨後初晴竹林咀村鳥語花香草木爭榮明媚  
春光良辰美景應族弟學炳礪山釣客之邀湖上諸子吳榮森柏窗江

德玉思仁吳江春觀瀾陳忠平一得愚生黃小梅茹寒連袂而至余忝爲地

主叨陪踏青遊賞之餘約以東坡避世堂詩猶恨谿堂淺更穿修  
竹林句依齒分韻旅京李映斌紅葉及顧青泓從山二先生亦遙領其  
一李乃都昌本籍而顧則江陰籍吾同里高村之女婿也諸位雅  
興不淺卽日成趣揮毫潑墨各抒情懷佳什結集之時不以老拙  
見棄問序於余屢辭不果乃隨撰數語權當引言惟近年疏於筆  
硯恐負眾望耳九旬翁王逸民於竹林書齋



吳榮森柏窗

步王學炳賢弟迓客韻

春湖雨後倍清陰鷗鶴盟新一踐臨沙浦花香迎嫩日  
草堂竹翠接青岑車行坦路行如箭人醉芳洲醉可吟  
山水情懷山水夢待時載酒更重尋

癸巳仲春學炳賢弟邀遊竹林咀王村分韻得猶  
字

一醉春風相約遊三槐林茂韻悠悠湖光潑灩忙舟楫  
山色空濛隱斗牛芳草連天迷望眼金花挺秀觀高樓

湖上題襟

癸巳  
內集

五

芝蘭霽月宜家國蠡水泱泱夢不猶

王學炳 礪山釣客

仲春迓諸君客沙浦草堂

萬里春風破積陰柳梢鵲唱客光臨千叢花放香南舍  
一歲陽回翠北岑閑踐白鷗嬉渚約臥聽碧浪倚舟吟  
村偏小備滌塵酒半醉沙灘句任尋

偕族兄逸民老先生陪諸君覽竹林村貌

煙村彭蠡濱水秀淨無塵竹發千根筍林藏四季春三  
槐堂蔭遠十里島鋪茵杏月初回暖花香鳥語頻

以蘇軾避世堂詩猶恨谿堂淺更穿修竹林依齒  
分得恨字

古港枕階前當年鱗鯉嫩晚歸漁火繁曉破砧聲遠橫  
鎖水三灣幸存篁一畹風情屢屢新故土何留恨

送別自拈林字

鳥轉青枝眷意深詩情未已日偏沉春風藉取生花筆  
一縷清芬出竹林

江德玉思仁

步磯山釣客學炳兄仲春迓諸君客沙浦草堂原

湖上題襟

癸巳  
內集

六

玉

交遊郭外醉花陰一處湖灣惹客臨水暖泥香香四野  
鶯歌燕舞舞三岑近洲攬勝春風約古渡遙懷歲月吟  
雅興悠悠關不住青山叻抱竹林尋

應王學炳兄之約赴竹林村依齒分得溪字並寄

謝王逸民老先生

雨後過河西風光一路迷鶯鳴沙浦樹水秀竹林溪椿  
葉間香醉槐廳分韻題磯山回首處仰望與天齊

竹林社約壓春字題竹

一年四季春君子有芳鄰疏影清風德瘦姿傲骨身雨

滋千筍出雪化萬腰伸亮節紅塵裏高標許與民

吳江春觀瀾

次韻釣客兄仲春迓諸君客沙浦草堂

竹林茂密綠成陰高矗華堂紫氣臨芳草有情鋪碧毯  
湖光無際映青岑閑鷗萬點逐波舞美酒千杯帶醉吟  
小立西堤舒望眼蘆洲邈邈雁難尋

癸巳春分後四日礧山釣客兄起竹林社偕柏窗  
思仁一得茹寒諸君子往釣客故里采風客其新居沙  
浦草堂以東坡之避世堂詩猶恨溪堂淺更穿修竹林

湖上題襟

癸巳  
內集

七

分韻依齒得堂字

一過春分日漸長湖天雨霽散晴光竹林漫步尋幽境  
沙浦訪賢登草堂樹鳥輕歌歌婉轉桃梨綻蕊蕊芬芳  
三槐耕讀傳家好瓜瓞綿綿世澤昌

陳忠平一得愚生

學炳兄有竹林遊約因寄

雷過初籜破澍雨復滋榮林密堪招隱煙寒不惹鶯虛  
中無物礙素節有風鳴君子愛孤寂卻同溪石盟  
踐學炳兄竹林遊約分得淺字

古津移陸平沙積千畦畎龍不厭雲高魚焉憎水淺出  
揚湖上波退唼竹間蘚良以悟風情有才多狷狷

竹林村歸後寄謝王逸民丈拈竹字

稍隔市衢喧民風持古樸戶庭王氏槐籬落孟宗竹夕  
釣一谿清晨吟三徑馥宜乎壽逸人世變憑淹速

黃小梅

茹寒

奉和釣客先生竹林邀客詩原韻

試屐愛輕陰春煙澹澹臨穿花蒼蘚徑過樹紫山岑落  
落籬邊影行行澤畔吟林濤驚路雁振翅帶人尋

湖上題襟

癸巳  
內集

八

癸巳仲春踐約遊竹林村分韻得更字

春容浥雨新眉岫多情更綠竹恰紛披槐堂堪照映沙  
堤款款行湖草綿綿盛野興未闌珊一觴而一詠

李映斌

紅葉

竹林社分韻領穿字遙賀助興

吟魂時一觸好句羨諸先風片竹林撫雨絲花徑穿村  
居閑淡客詩詠治平年想見春潮漲狎鷗熏碧煙

顧青沚

從山

諸兄約作竹林遊  
杲長恨不至迺成一首以寄並  
分韻得修字

破愁還見雨修修  
迢遞風煙忍豁眸  
閱世心隨半篙水  
招遊杲隔萬崇丘  
歲非癸丑事猶憾  
夜坐丁年氣欲秋  
便有深林藏不密  
故園容看老蒼蚪

湖上題襟

癸巳  
內集

九

舫公塘觀荷

起社人 江德玉思仁

吳榮森柏窗

思仁兄起荷花社依齒分得濯字

碧傘滿池張浴禽  
嗚啐啐風停珠自圓  
雨霽苞如渥汚穢  
莫能侵滄浪何必濯  
隨心掣一支爽氣湛靈覺

王學炳礪山釣客

思仁君起荷花社依齒分押清字

梅雨終消歇訪君聯袂行  
嬌容招逸客高格動吟情  
朱

瓣天天放銀珠葉葉瑩由他濁污泛不礙一身清

江德玉思仁

起荷社約諸君於礧山觀荷花依齒得漣字

盈池萬朵蓮儀態最堪憐玉杆亭亭立花苞歷歷妍嬌  
姿迷望眼嫩葉蕩清漣歸去凝香夢新詩競入箋

吳江春觀瀾

逸思仁兄起荷社偕諸君子觀荷以宋元公周子  
濯清漣而不妖分韻依齒得而字

湖上題襟

癸巳  
內集

一〇

賞蓮同好約花期郭外行行菡萏池睡葉縱橫滾珠玉  
雍容輕飾薄胭脂清芬何懼泥淹足貞潔長畱誰解而  
一點靈犀明德範冰心雪骨問仙姿

陳忠平一得愚生

思仁兄起社約湖上諸子舫公塘觀荷分得不字

鼃躍動漣漪光風搖窸窣紅衣澹若煙翠蓋圓如月出  
水尙根泥飲霞期脫骨滯留清濁間藕孔藏何不

黃小梅茹寒

偕師友觀荷依齒分得妖字

野水藏幽致冰姿拔俗標劍華初出匣霞影漫披綃  
雨翠如泫凌波紅不妖盈盈相向語鄰壁任蛙囂

顧青泫從山

湖上諸子遊舫公塘觀荷亦拈而字

諸子興非淺杲懷空遠而舫公支漿未蓮女映花宜碧  
管簪同刺白裳社與遲癡兒因底事無迺羨臨池

湖上題襟

癸巳  
內集

一一

元辰山簪菊

起社人陳忠平一得愚生

據雲笈七箋載元辰山爲道家第五十一福地安期生孫真人治  
之而蘇耽則漢初郴州方士二者了無關涉水經注云蘇耽乃三  
國吳人攷都昌縣誌則是晉道士蘇耽修真得道處因之又名蘇  
山不知何本三說牴牾莫衷一是夫神仙者志怪之事也或欲穿  
鑿以爲史實不亦譎淺鄙陋之極者乎傳說固不足憑然其所謂  
人物要皆忠孝節烈所謂事跡莫非拯危救難故世人寧信實有  
不覺荒誕以至萬民膜拜千秋瞻弔此蓋精神之慰藉宗教之皈  
依也解塵世之困惑導人心之向善其功也莫大焉必欲以封建  
迷信指斥之則又墮文革極左之惡道矣是山旣爲吾邑難得之

名勝朝覲者自然代不乏人若乎民國間鄉賢吳繼曾省三先生坐館左蠡於甲戌九日偕同好就近登臨訪勝弔古憑高作賦其一云元辰聳秀壓諸峰附友登臨興不窮鵲噪庭梧欣客到僧居禪榻悟塵空竹搖疏影圍園綠橘噴清香映井紅遺迹徵尋磨劍處虬松百尺臥蒼龍其二云團聚僧房合有緣名山遊願了頻年楓林木脫悲秋瘦霜菊花開向客圓千里關山銜落日萬家樓閣鎖寒煙羊腸曲處尋歸路偷得浮生閑一天惜哉諸公詩作未遑蒐集不得盡窺其盛省三先生觀瀾兄先大父也七代書香真可謂家學淵源此吾簪菊會之緣起也嗟乎光陰荏苒七十九年淹忽一過當年弔古之人又爲後人所弔可慨也夫況乃江山陵替斯

## 湖上題襟

癸巳  
內集

一一一

文凋敝吾輩生也恨晚並美前人固不敢望矣惟慕古尙雅之心庶幾同焉乃取省三先生遺作一聯拈鬪分韻蓋法當年矜式也同遊者九人另有五人因事不果會亦領一字旋遊破山重興二寺諸子興致勃然各盡吟詠並錄之與遊者居前以齒序未遊者居後以永稿時間次第 癸巳九日一得愚生陳忠平識

吳榮木  
林柏窗

### 元辰山拈韻得臥字

登臨不厭遲聊補雲臺賀一水隔匡廬群峰依法座芳林懷素經野景添書課醉共雁歸來悠然車上臥



步宗先賢省三詩翁甲戌九日偕諸友登元辰山

日午天高迴翠峰遊心不惜水山窮先賢遺韻試分取  
諸子吟懷各澹空一壁煙痕丹竈冷無邊景色瑞雲紅  
松林竹徑今仍是寶劍峨冠早化龍

漫攜菊酒問前緣一抹煙痕認舊年崖底雲深仙事渺  
峰頭日正佛光圓水山漸已入寒季鴻雁依然栖野煙  
回首人廬繁富裏期時泉韻杏花天

遊重興寺

唐時古刹眼成空蠡水茫茫亂草叢竭力春風開佛國  
徘徊瞻眺夢重重

湖上題襟

癸巳  
內集

一三

王學炳

礪山釣客

九日登元辰山謁蘇耽神像拈壓劍字

仙遊不計年情動蒼生念調劑澗泉清憐花霜菊艷枯  
黃香後庭月白輝前坵福地好栖身隨形書與劍

敬步吳繼曾前輩甲戌九日偕諸友登元辰山原  
韻二首

勢壓群峰屬此峰一收畫景意無窮漫尋屐迹穿幽徑  
似入雲端客太空秋瘦重陽枝減翠楓肥玉露葉爭紅  
元辰泉育層林秀古往今來合臥龍

願成重九恰逢緣期覓詩蹤年復年曲徑拾梯千步陡  
浮生尋夢幾回圓青山尙舊陪明月古寺依然泛紫煙  
任是滄桑多變幻黃花歲歲傲霜天

### 過破山寺

落葉紛飛風瑟瑟空門幽靜氣森森香煙裊裊香爐旺  
古刹悠悠古殿深殘燭流紅珠似血暮鐘破寂韻如琴  
我來淨地圖清逸禮數難周可鑑心

江德玉思仁

癸巳重陽偕友登元辰山抓鬮得徵字

### 湖上題襟

癸巳  
內集

一四

重九登高興趣增蘇山欲跋上雲層鐘鳴天地心猶醉  
詩詠春秋韻更澄橘井藏龍魂夢繞佛門行禮景光徵  
此遊畱得真情在紅果香聞玉掌承

敬步吳繼曾前賢甲戌九日偕諸友登元辰山

彭蠡湖邊一翠峰鐘聲貫耳韻無窮奇仙奇佛香猶瘦  
靈藥靈潭影泛空遠眺匡廬千仞黯近觀茱萸壁數枝紅  
群芳不負今時約縱覽名山可臥龍

鷗鵬拾趣合因緣欲醉元辰樂永年十里花蹊詩夢淺  
一方山水鏡頭圓清香味勝開心果靚影忽如過日煙  
幸得解頤逢此處鐘聲衝破畫中天

過破山寺參拜姚王神

一山青翠濃神寺紫光重今問纔知曉英雄劍化龍

袁美泉西園主人

癸巳重陽偕友登元辰山拈鬪得百字

元辰久著名山冊騷客頌詩何止百菊溢清香朵朵黃  
江流交織條條白劍池利刃鬼驚心桔井除瘟民浴澤  
蘇子傳奇千古芳登臨偕友尋遺迹

吳江春觀瀾

湖上題襟

癸巳  
內集

一五

癸巳九日登元辰山

九日偕柏窗釣客思仁一得茹寒諸君子并蘇山諸同人登元辰  
山據傳東晉湖南郴州人蘇耽於斯得道成仙此山在雲笈七籤  
中列爲五十一福地吾先祖曾於民國甲戌九日登此山遺有二  
律取其中遺迹徵尋磨劍處虬松百尺臥蒼龍拈鬪分韻得蒼字  
元辰絕頂作重陽萬壑清幽榛莽蒼訪古追蹤臨橘井  
緬懷話舊聚禪房振衣欲覓茱萸紫迎客初開菊蕊黃  
鵠立西風殘照裏悠然已在水雲鄉

敬步先祖民國甲戌九日登元辰山二律原玉

元辰登上我爲峰立足高巔目盡窮老樹無聲飄落葉

徵鴻列陣過長空。澄湖蘆岸浮萍白。映日山楂醉眼紅。  
土木重興融。釋道蒼冥幻化慶雲龍。  
予與蘇山有世緣。未曾尋訪。怨流年修行福地三秋好。  
遂願嘉時一夢圓。梵殿旆旌紅似火。先賢蹤迹杳如煙。  
人生自是多憧憬。物我相忘別有天。

陳忠平 一得愚生

霜葉飛

癸巳九日元辰山登高拈鬪得跡字

五湖閑客秋光趁。披襟來弔殘碧。畏塗盤入紫雲端。磨  
折東山屐。撥棘向幽崖徧索。枯藤相認丹爐跡。漫想像

### 湖上題襟

癸巳  
內集

一六

當年橘井畔。烹泉煮月。衣褐髯白。擡眼望極蒼茫。斷  
煙疏樹。采石車過如鯽。梵臺新起舊叢林。日午經幡赤。  
莫浪說瓜丘鶴嶺。都歸王化官籍。但細尋茱萸佩。慕古  
心期。祇堪吾惜。

### 次韻邑先賢吳省三先生登元辰山二首

先賢作詩豈肯輕易落韻。何首章首尾皆用二冬。吾湖上八友恰  
有二位遠在京華。不得與會。或天意冥合。預爲之兆乎。古有孤雁  
出群格。此則曰雙雁出群。誰云不可。一用懷李顧二子。一則憑弔  
先賢也。

一峰卓爾小諸峰。到此翻疑碧落窮。蠢動含靈憐蟻蟻

微吟擁鼻遁空空  
峽雲遠接鷗波闊  
湖日初熏雁字紅  
料得京華秋更好  
干霄劍氣吼雙龍  
不關佛願與仙緣  
高會風流仰有年  
既見菊花開復故  
云何橘井砌難圓  
一湖皓羽舊沙渚  
四野寒商新爨煙  
異代蕭條同軫惻  
聊將素酒薦遙天

徐建國 挺寶

癸巳重九登蘇山拈得虬字

重九登高伴友遊  
長空雁陣一天秋  
河山萬里心頭醉  
煙火千家眼底收  
福地仙居新寶刹  
桔泉丹竈古蒼虬

湖上題襟

癸巳  
內集

一七

峰巔飛夢雲霄外  
落日催歸意未休

黃安 蘇山郎中

登蘇山遊元辰寺分韻得磨字

俯視群峰小秋聲  
落木多長天鳴雁陣  
野菊采山阿橘井  
荒寒寂心潮與蕩磨  
空餘煉丹處巖際  
滿藤蘿

九日次韻邑先賢吳省三先生  
民國甲戌登元辰

山

令節招尋上頂峰  
天開萬里縱眸窮  
湖心數點舟衝浪  
澗底千叢竹掃空  
老衲雲深秋月白  
疏鍾象外夕陽紅

英豪幾輩流連處今古名山合臥龍  
讀公三代亦奇緣菊與詩花燦放年踵武前賢來鳳舞  
厥修德業又珠圓長空雁列千峰影墟裏雞鳴四野煙  
不負秋光同領略高山一曲動雲天

黃小梅

茹寒

癸巳重陽上元辰山拈韻得遺字

九日發幽興懸車盤折馳列峰如偃僂流水乃淹遲客  
子來何意仙蹤問所遺松煙縹緲處或亦有緣知

次韻先賢吳繼曾公二章一寄蘇山同人一托己

湖上題襟

癸巳  
內集

一八

慨云耳

欲收野趣入雲峰斗藪衣冠眼界窮漠漠煙生寒雁疾  
蕭蕭木落古山空蒼巖依舊攀蘿碧丹竈曾經淬劍紅  
撫遍滄桑休浩嘆可能荒僻好潛龍

中身頗結介丘緣偕作登臨欲忘年竹徑陰幽浮綠翠  
林禽婉轉瀉清圓絕峰蕭寺仍鳴磬深谷人家漸析煙  
瞬目即觀秋百里餘情浩漫水連天

袁德芳

元辰山人

癸巳重陽登高因故未往亦分得龍字

千古名山孰勅封客來紛沓探真容  
元辰寺側尋丹竈  
桔井泉邊問石松見說林深曾嘯虎  
不知潭涸怎藏龍  
貪心應笑劉和尚取卵殺雞偏興濃

顧青滋

從山

湖上諸子重陽雅集弟遙領尺字有寄

瀾公高臥樓百尺要令湖山生秋液  
影泛波光倒粼粼  
掬此可爲九重碧一船風色清涼裏  
與君周旋來飛鳥  
嘉二三子聲名籍驚心文字如好客  
藏壑誰負夜半去  
立談能見雙白壁但許撫膺共茱萸  
聊使傳柑託遠驛

湖上題襟

癸巳  
內集

一九

零落黃花欲無對徒寫滄波與夢隔  
夜來熟寐觸屏風  
久客不堪語蕭索斗杓遙指屋頭去  
窗前一筇瘦曾亦  
此間風物兩不似蛾眉枯淡眼還射  
幾日抱得匡廬出  
來瞰風煙到九陌

亦次韻吳省三先生民國甲戌登元辰山韻之一  
并謝一得兄寄詩

白鶴淹留曾此峰人於千里望何窮  
可無丹井生橘藥  
定有青筇來碧空魚漂甘從座中釣  
酒闌因被日邊紅  
遞書幾日療飢想秋晚士衡思士龍

黃平

重九登蘇峰因故未往拈尋韻憶十餘年前結伴  
秋遊今記之

福地仙山惹客尋金風爽籟蕩胸襟登高頓悟天高迥  
望遠方明水遠深野景嵐光張畫本松聲竹韻動吟心  
巍峨廟宇香煙繞小坐禪關聽磬音

舊日遺蹤迹可尋蕭疏蔓草拂衣襟楓翻血色層林染  
菊送清芬曲徑深馬廐兵營思戰火油潭桔井濟人心  
殘痕歷歷星移換國泰民安奏八音

乘興遊來樂亂尋攀登爾我拽衣襟嶙峋石聳巖崖陡

湖上題襟

癸巳  
內集

二〇

縹緲雲蒸霧靄深鳥哢時聞欣悅耳溪流頻掬洗塵心  
斜陽隱隱催歸急一曲漁歌唱晚音

敬步先賢吳繼曾登元辰山次韻兼呈諸友二首

都昌西北聳蘇峰聖水仙山造化窮名出道家傳遠久  
聲來佛舍震長空泉生橘井苔侵綠木脫楓林葉散紅  
風引鶴吟秋雁信元辰菊會赴群龍

樂懷仁智結詩緣遙記遊蹤憶往年賞景慮開消塊壘  
參禪塵淨悟方圓人尋古迹依稀影日映層嵐疏密煙  
綻蕊黃花迎客笑陶然把酒傲霜天



袁偉琴浣秋

癸巳九日聽聞諸友元辰山登高予雖未同往亦  
遙得松字

友聚重陽節元辰登頂峰秋濃妝碧淨菊艷態從容樹  
掩蘇仙迹泉彌桔井蹤匡廬青黛望情動一山松

李映斌紅葉

元辰山簪菊會分韻得處字

高丘迴不群昔者仙家駐亂石險容攀平疇青可御難  
尋駕鶴人尙有題襟處雪唱發山陰鍾期或能遇

湖上題襟

癸巳  
內集

一一一

鳴山下歲

起社人黃小梅茹寒

吳榮森柏窗

遊鳴山觀拈得慵從逢胸冬五字

誰抹浮光照老慵蹒跚且喜白雲從寒風難到澗仍翠  
古觀旣偏人未逢塞雁九天巡慧眼井泉一掬濯塵胸  
松聲竹籟清和甚那管世間秋或冬

馬澗橋

頻年歷劫未曾積古道滄桑說往來勒石咸書大功德  
避風不見舊亭臺九山澗水歸何處兩岸溪毛雜土灰

橋面半侵車尚過當時勝景恐難回

王學炳

礪山釣客

開冬後兩日應茹寒君之約登鳴山觀拈壓彤冬

鈇龍農五韻

霜枝間綠葉彤彤時值小春初入冬綻蕊茶花香澹澹  
滴巖泉水響鈇鈇徑危道觀門虛掩天旱青葱色半龍  
遠看塵煙彌漫處培苗壟畝苦耕農

馬澗橋

驛道卷黃塵馬馳深澗阻初修始盛元廣澤於黎庶通

湖上題襟

癸巳  
內集

一一一

賈北連南置身寒與暑一番妝點新名勝揚吳楚

返城途中過袁宣桔園

桔圃金輝漾盤枝七八層映池波燦燦描畫色澄澄翠  
壑舒清氣銀針迓遠朋傾情真樂土忘卻暮寒凝

江城子

湖洲蓼花

小春蓼綻小城東賞新紅半閭空漫漫花海畫意恰濃  
濃縱過南門龍鳳閣容漸老屐忽忽

江德玉

思仁

癸巳立冬第三日應茹寒社邀登鳴山觀抽籤韻

押宗鍾龍松冬五字

一任群芳詩一宗歡顏麗日鼓娛鍾足騰險徑追新月  
汗灑斜坡盤巨龍淨土祥安光佛寺大神靈顯護林松  
泉清竹秀鳴山觀杏樹參天秋復冬

遊馬澗橋感懷

古橋橫臥炳春秋醉月醉風樓靠樓驛道迹存車馬影  
浣溪歌泛鷺鷥儔亭修此處賢人憩目擇何方佳境遊  
幸有高山同一路閑雲依舊逸情留

鳴山遊返路過大壩偶賞湖牀蓼花所感

一片紅花露百年情所鍾奇觀彭蠡景照樣醉初冬

湖上題襟

癸巳  
內集

一三三

吳江春觀瀾

立冬再次日應約登鳴山觀拈鬪得峰蹤蛩冬鬆  
五韻

鳴山仙觀聳高峰附友追尋物外蹤滿目青嵐騰遠澗  
蜚聲白草伏寒蛩羊腸小道舉安步杲日燥人疑孟冬  
最是井泉行汲處濯纓濯足自輕鬆

馬澗橋感懷

自古鳴山山澤饒尙遺驛道澗溪橋坐觀不盡滄浪水  
迓送曾經谷口樵昔日悠悠名赫赫徵塵僕僕馬蕭蕭

改亭爲殿緣何故拜佛虔誠勝廟祧

菩薩蠻湖上觀花

茫茫彭蠡滄波息。河牀龜裂遊人織。湖底客驅車。休閒賞蓼花。兼旬無雨浞。雲夢鄱陽涸。橫鎖大江龍。奈何霜雪重。

好事近橘園行

車走卷黃塵。山徑遙連阡陌。犬吠雞鳴。林屋主人恭迎客。后皇嘉樹沐斜陽。碩果壓枝赤。信步徜徉園裏試手輕輕摘。

湖上題襟

癸巳  
內集

二四

陳忠平一得愚生

癸巳立冬後二日登鳴山觀拈得昔冬蜂葑春五

字

歲值曠古大旱鄱湖龜裂飲水且窘遑論稼穡稍喜觀之側有井泉活活然方諸江海蓋亦一勺也安得消萬靈渴吻乎

日熏衰頰暫豐昔十月江南未敢冬落葉滿山誰寫夢  
殘花數點自招蜂肯辭阮屐臨危險宜振荀衣望菲葑  
四野園田乾渴極難憑玉井撼金春

何夢桂詩云誰解作頌美形容發微挾眇聲金春

鳴山遊返過城堤見湖牀中踏賞蓼花者絡繹因有感焉

毋須買棹藉長風寶馬橫馳涸渚中客子不知漁父怒  
蓼花爭粲繡旗紅巫山神女殊無恙滄海桑田曷有窮

滿聽小春陽律轉群方吹奏禹王功

馬澗橋次茹寒韻

曩有風雨亭不知圯於何時新閣闢房數間安置神佛庶幾橋面一半矣

古橋曾不識路口屢經過興替仍通驛填淤久息波頗  
因崇道盛豈止佔山多新葺煙霞閣浯溪石又磨

鳴山歸塗訪袁宣果園疊用馬澗橋韻

息屣方逾午歸塗曲此過汲泉供日饌種樹隔塵波丹  
果搖紛落黃雲掃孔多駐車盧鵲喜鳴躍欲廝磨

黃小梅茹寒

癸巳上冬予忝主鳴山泉石之盟率成五章

湖上題襟

癸巳  
內集

二五

鳴山觀拈得封濃冬鐘容五韻字

斷山分付紫雲封靈觀淹留意更濃啜井餘甘長歎息  
看篁積翠不知冬千年銀杏子依母一片清商石若鐘  
饒有扶疏涵爽氣來歸斜徑也從容

馬澗橋

跨虹名久噪命駕故相過已接景湖道曾通昌水波風  
煙闋難盡車馬度仍多莫問板橋石復能經幾磨

徐埠果園

偶入山阿曲疏籬自一村客來盧犬吠午暖越禽喧淺  
水鴨雛白垂枝橘子繁頗驚堯日下有此邵平園

鄱湖花海有慨

慣看浪千重未遑花亦海連洲忽坦途秋日仍華彩護  
此故山青望茲流水再人心知不知物物有真宰

叨蒙劉和平君殷勤延款歸寄短句兼謝馮學兄  
並楊但二君

久睽情未隔貌執愈溫然撥冗親控駕呼朋勤款延真  
能盟白鷺況又飲清泉撫臆感蕭爽何須羨輞川

顧青沚

從山

癸巳湖上諸子遊鳴山觀遙寄並以蓉筇浴傭冬

湖上題襟

癸巳  
內集

二六

五字爲韻

觀成清鑑出芙蓉山有妙吟憑瘦筇一歲風光知濫激  
十分月色好銷浴早催戴雪入刀夢未擬蒿貧老客傭  
想見鄱湖同坐處何人竟少話新冬

周溪消寒

起社人 吳江春觀瀾

吳榮森柏窗

冬至日遊鄴陽古址拈曾字

臘從今日始  
賸水欲成冰  
撫壁漫追索  
傳言聊據憑  
蘆花疑雪古  
漢瓦認青曾  
太息蒼茫裏  
依然演廢興

候鳥拈斷字

征程何懼艱  
振翮千峰斷  
漁浦隔新村  
羊腸通古岸  
身居雖草萊  
志向在霄漢  
風起輒驚飛  
參差羽不亂

湖上題襟

癸巳  
內集

二七

王學炳礪山釣客

冬日周溪行拈壓址朝兩字

古鄴陽遺址

時序越千年  
今來尋舊址  
殘磚漫野橫  
瓊宇瞬間毀  
銀浪拍輕舟  
枯芒搖遠沚  
風情易變遷  
世事皆如此

觀候鳥

飛禽王國草  
蕭蕭牽動遊  
絲遠客朝丹  
頂鶴翔舒彩  
翼白天鵝舞  
立清標雁排  
个字形隨影  
鷗覓鮮蝦舌  
弄潮一醉吟  
眸堪慰願風  
姿萬種筆難  
描

江德玉思仁

至日諸君遊周溪因事未赴柏窗兄代拈陽認兩韻

鄴陽遺址

卜築工將竣勞身滯故鄉不能隨屐履差可想風光過  
往成今古徘徊動慨傷幽期須再約把酒酌鄴陽

觀候鳥

汀洲未盡荒水起蒸游潤閑客結鷗盟野煙觀雁陣衝  
寒發伉聲鼓羽橫遙瞬或有遞書來紛紜難確認

吳江春觀瀾

湖上題襟

癸巳  
內集

二八

冬至日之周溪取先君當年遊周溪詩中鄴陽遺址  
未曾消斷瓦殘磚認昔朝分韻拈鬪得消昔二韻

鄴陽追遠壓消字

遺址徒遺景寂寥鄴陽難覓恨難消秦磚漢瓦淤泥隱  
滄海桑田隔世遙蘆荻殘花風瑟瑟鄱湖濁浪自滔滔  
一腔觸緒憑誰解且寄愁心到碧霄

觀候鳥壓昔字

邀友候鳥觀重開謝公鳥湖洲冬草黃鷗鶴冰霜白水  
面覓游魚天心輕振翮排雲碧落參抗志猶如昔



陳忠平一得愚生

周溪消寒集拈鬪得鄣瓦二字

漢鄣陽縣遺址

秦皇開郡縣漢祖析鄣鄣夯土堅城壁安民奏鳳韶泗  
山鼇眨眼彭蠡鼈乘潮一夕變桑海千秋弔寂寥

觀鶴

平沙間蓼洲棲集何閑雅屏息恐驚猜盤雲難上下我  
非逃世人爾或養仙者倏忽兩千年看殘漢磚瓦

黃小梅  
茹寒

湖上題襟

癸巳  
內集

二九

周溪湖畔行吟韻押未字

交橫陂埭鎖平疇蘆荻含風聲沸渭近市居然成樂園  
殘煙依舊縈佳氣江豚破浪起還平沙鳥見人驚更畏  
遙問牛山石上松往來認得丁僊未

鄣陽遺址覽古韻押磚字

豹變何淹忽人廬坼大川徘徊亂汀際指點壞山前浪  
蝕遺城堵泥侵殘漢磚徒興千古歎涸澤又圩田

戴愛琴  
秋顏素心

鄣陽古城遺址抽韻得殘字

城頭山下水猶寒鶴舞翩翩一淺灘雜草叢中尋漢瓦  
斷鴻聲裏憶金鑾鄔陽舊事歸塵土市井新聞入祭壇  
兩腳踏平荆棘路幾聲欵乃夕陽殘

湖上題襟癸巳內集終

湖上題襟

癸巳  
內集

三〇

新正讌談

吳榮森柏窗

癸巳年三朝小聚約次少陵韻

道逢君子合燕坐故鄉城煙磔江梅影光浮花炮聲陽  
和九衢動新月一杯擎情味吟邊好何慚白髮生

王學炳

礪山釣客

癸巳年三朝小聚約次少陵韻

三朝年味重錦屑漫都城論道逢良友過車夾雜聲寒

湖上題襟

癸巳  
外集

三二

餘殘雪積梅笑老枝擎陳釀催人醉潮從筆底生

江德玉

思仁

正月三日諸子雅集未赴和杜甫詩韻寄之

萬里春風蕩君邀未赴城臨村歌悅耳遠市韻畱聲方  
外群鷗動樓頭一盞擎情濃於水醉夢草故鄉生

吳江春觀瀾

故里同好癸巳正月三日小聚約次少陵韻

徒羨諸君聚嗟余客滬城迎春懷舊雨賡韻乏新聲鎮

日將孫侍耽詩待燭擎偷閑問吟事故態笑書生

陳忠平 一得愚生

癸巳新正三日子邀湖上諸子小聚約次工部韻  
并柬思仁觀瀾二兄

散得沉寒已東風結滿城梅霑殘雪影雨化細泉聲鷗  
鷺初相狎觴壺試一擎題襟彭蠡上感激逐潮生

黃小梅 茹寒

正月三日小聚約次少陵韻

湖上題襟

癸巳  
外集

三三一

喬枝翻喜鵲梅信動寒城坦腹有詩語傾心無市聲勸  
飧常箸置邀酒屢觴擎孔席未遑暖端然離緒生

李映斌 紅葉

正月初三小聚約次少陵韻

殊方吟侶至圍簇破寒城簾外催飛雨爐中起沸聲語  
新邀狹坐酒熱共奇擎莫問春蹤迹已從杯底生

顧青泓 從山

癸巳新正三日都昌逢柏窗釣客紅葉茹寒一得

諸子約次少陵韻勉寄

故人投轄日杯酒動江城已作盤中釣時間爨下聲梅  
深空月待句老一燈擎爲謝題襟客論交憐兩生

湖上題襟

癸巳  
外集

三三三

蘇山迎夏

去歲湖上諸子即有命駕蘇山之意嘉期屢約難就至今日始得  
成行適有廣州詩友枉道訪勝遂并轡來遊蓋亦天緣遇合也予  
等蘇山同人不勝雀躍翹首候迎於袁鶴舍古村慨結構之夤緣  
雕梁猶在感風雅之寔微書齋不存旋訪石材場登馬鞍島客鍾  
松林新宅時僅半日而意興不淺讌飲旣畢茗坐於石材商會約  
以三題寄趣其一於學舍浣香齋中任拈一字吟鶴舍其二各於  
名號中拈一字詠馬鞍島其三以清季蘇山鄉賢李秀峰南園遣  
興詩首聯小園無事不相宜乘興何妨日偶窺依齒分韻王紅興  
胡東春二友未暇與會領後二字另有李子映斌多寶人也顧子

從山江陰人都昌坦腹東床也俱供職於北京亦湖上吟友慨然  
允作並錄之同遊者廣州詩友陳逸雲伉儷攜掌珠湖上諸子吳  
榮森王學炳江德玉吳江春陳忠平黃小梅蘇山同人袁美泉袁  
偉琴黃安徐建國並予也元辰山人袁德芳時維癸巳立夏日

吳榮森柏窗

袁鶴舍村拈香字

白鶴眠雲本道鄉人間劫換幾滄桑訪尋齋閣不知處  
傳說泮池曾溢香連宅蕭條惟舊燕層樓櫛比各奇妝  
小橋流水宛然在曷許古風輕改張

湖上題襟

癸巳  
外集

三四

遊馬鞍島押森韻

放懷泉石作歌吟況有高朋此盍簪孤島久懸繁世外  
虹橋新度碧煙溥且從白鷺觀娛戲莫對玄龜問古今  
夾道薔薇開欲謝空餘夏木列森森

客鍾松林老闍家分得小字韻

園池新鑿接鄱湖浩蕩煙波收一沼不羨栖雲白鷺閑  
略嫌卜築青山小亭臺砌玉幾迂回花草成春俱窈窕  
累歲經營得妙方盤桓塵市與塵表

贈袁德芳先生聯

德行旣鄰於道 芳馨豈獨在名

王學炳  
礪山釣客

立夏日偕友遊鶴舍古村拈壓浣字

山泉瀉一泓水秀羊毫浣隱隱墨花香悠悠基業粲躬  
身步學堂俯首尋琴案浚塞管期通遺風猶在喚

登馬鞍山以礪山釣客自號拈山字

薙除遮道棘尋興復登山石兀峰尤峻枝繁影白斑舟  
馳煙霧裏馬躍水雲間遠眺匡廬美朦朧一面慳

作客鍾松林老闆新居分壓園字

風貌未隨春杪減一谿活水抱山村沁香綠葉哇哇茂

湖上題襟

癸巳  
外集

三五

解意黃鶯樹樹喧足立尖峰憑實力心圖偉業戒空言  
層樓高聳舒眸遠東枕魚池西枕園

謝呈袁德芳先生

方離宦海征鞍卸大雅扶輪又豎旌胸有高懷關冷暖  
骨無媚格愛幽清自擔道義千鈞重任是浮沉一例輕  
德者不孤殊慰藉湖山好結白鷗盟

蘇山大理石

如盜如玉質如銀銷路無愁馳遠津貨俏商家重環保  
幾經料理少污塵

江德玉思仁

遊鶴舍村拈香字寄元辰山人德芳兄

浣溪流水歷滄桑幾處依然草吐香  
影視尋幽聞舊事聊齋拾取啓新章  
村前雲湧松蘿月池後風清金玉堂  
寶地此遊逢摯友宜人古韻爲誰忙

遊馬鞍自拈名中仁字

一日交遊一鳥親馬鞍橋上聚同仁  
接天碧水茫茫闊入鏡青峰歷歷新  
雲赴鄉關霞落浦風移沙岸燕穿垠  
軒車開道尋歡樂歲月悠悠情自珍

松林樓院采風依齒分得無字藏頭用鶴頂格

湖上題襟

癸巳外集

三六

松青蘭野美林茂紫雲鳧樓宇精工造  
院庭勤手扶鍾家酬壯志靈氣起宏圖  
毓孕花園樹秀才百里無

客蘇山石材商會致德芳學友

元辰山客歷艱辛情達陶園蠡水濱  
幾處身忙閒不住爲求一夢富鄉親

袁美泉西園齋主

偕友遊學舍村自押浣字

鄰村子最諳咫尺相呼喚徽派尙房連  
人文曾譽奩微風送墨香濡筆長池浣  
先緒克恢宏膺牌依舊煥



遊馬鞍押美字

輕車乘興馬鞍駛特色風光無可比玉帶環村映碧空  
長虹跨島便桑梓青山一座枕江流白鷺幾行翔水起  
不用喬裝彩筆描同人共讚自然美

鍾宅以齒爲序分得事字

欣看君宅構型異別出心裁高品味古色樓臺古樸風  
新裝花圃新鮮事激情遊客動詩懷佳景門庭添畫意  
許是人間仙境來流泉飛瀑生奇趣

袁德芳

元辰山人

湖上題襟

癸巳  
外集

三七

詩友遊學舍村子之故里也迺爲嚮導嘆惋百年  
塾館浣香齋被拆拈浣字抒之

深巷迂回尋塾館硯臺筆墨何方浣予言故事道真由  
客感莫名聽怪誕痛惜愚氓屋拆除幸存賢達詩編纂  
愛聞故里溢香池水照斯文今古滿

偕友遊馬鞍因車未能上山憶曾登山入寺之感  
受擇賤號元辰山人中人字爲韻

心念菩提無俗塵樂得清閑自在身放眼天長山是伴  
釋懷境遠水相親虔誠篤信祈真佛違忤猜疑拜假神  
不入空門焉悟道此時竟問寺中人

偕友賞松林花園分得不字

順天得意何言不篤信人緣誠信佛情識賓朋上酒樓  
客留筆墨題名物庭前醉唱報知音園裏耽吟侵道第  
興至流光照小池漣漪蕩夢春風拂

袁偉琴浣秋

癸巳立夏回故里鶴舍村拈得齋字

村頭塾館浣香齋幽對青峰瀉翠涯古屋清溪詩入畫  
土樓深巷韻同儕書聲悅耳歌舞盛理學傳薪筆陳排  
遊子歸鄉松竹伴春花秋月寄情懷

### 湖上題襟

癸巳  
外集

三八

癸巳立夏采風詠鍾松林先生新宅分得相字

車轉溪橋綠擁莊亭樓軒榭令端相黃鸝隔葉枝頭唱  
紫燕銜泥梁上忙池似葫蘆盈翡翠花攀宅院望麻桑  
鍾靈毓秀蘭芝茂天道酬勤日月長

馬鞍采風擇本人名中琴字韻

五老峰前望香爐紫氣臨蕭蕭風送笛渺渺水鳴琴馬  
鳥鞍乘我湖山画醉心飄然霄漢去邀與謝公吟

吳江春觀瀾

過蘇山酬袁君德芳會長

庚寅初識值炎氛鄉里騷壇首領軍從政親民清骨立  
傳箋妙筆雅詞芬三山吟墨傾心血一片真情考韻文  
禮義尊崇凝厚誼叨陪今日又勞君

過鶴舍古村拈得齋字

重遊鶴舍興偏佳不費功夫破鐵鞋造訪蘭襟同臭味  
難尋村塾浣香齋拜金濁世人非古臥雪遺風夢未埋  
過巷穿堂頻矚目緩行幽徑遣幽懷

立夏日遊馬鞍島拈得觀字

蘇山風貌足遊觀又作閑雲過馬鞍。意適田園三徑  
遠路通天塹一橋寬問津沙楫依青岸縱目匡廬映碧

湖上題襟

癸巳  
外集

三九

瀾兩載幾番登此島詩情雖好惜春殘

訪松林別墅依齒得宜字

幽幽邃院室家宜桂馥蘭馨更問誰錯落亭臺凝露月  
潺湲溪水過魚池庭門遙對千帆影風雅雕鐫一片碑  
世外桃園好高臥喟然尋訪我來遲

陳忠平 一得愚生

袁學舍古村拈澣字

青磚認古風百口曾同爨櫛庶曲牽連鐫雕巧輪奐水  
田鷗鷺嬉籬落雞鵝喚莫道歇芳菲餘香猶可澣

馬鞍島自於賤號野雲廬中拈得野字

莫漫嗟諮吾道寡同人邀結瀛之野花光激激濕殘春  
蜃氣浮浮生首夏戟共沙沉仍捲波山如鞍在豈調馬  
苟能漂泛木蘭舟安枕曲肱相倚藉

袁德芳吟長囑題鍾松林先生新宅分得乘字

穎川郡望派衍竟陵旣播吾邑迺蕃斯藤漁耕自給世  
代相仍國祚嬗替家運經昇克勤創業緝絲爲繩櫃匣  
漸溢土木遂興宅基固守花圃新增結構堂皇砌疊棧  
層彭蠡漾漾風起波騰元辰鬱鬱霞蔚煙蒸前有源流  
後有恃憑松竹宜種陰涼好乘呼鷗作侶懸榻待朋溪

湖上題襟

癸巳  
外集

四〇

頭釣鯉月下講燈不以貧恥不以富矜愿言馨德覃及  
雲祚

歸後寄贈袁德芳先生四韻擅取上下二字兼謝  
諸子

勢位恥干求君子重守德鄉里問風情憂樂繫形色草  
木且同臭芝蘭豈孤芳若有山水約屐履復相將

黃安 蘇山郎中

遊學舍古村押齋字

古村畱勝迹一覽蕩胸懷畫棟張雲錦回廊接石階重

尋先輩業長憶浣香齋百感人文景毫端稟欲排

遊馬安島押敝名安字

薔薇香裏足盤桓又向湖山一曲彈野趣忘形歌互答  
清風入抱酒同乾欲專壑美身何累滿望雲停水自瀾  
歧路數竿君子竹殷勤只解祝平安

奉題鍾先生新宅押興字

瓊樓高入雲把盞邀蟾影舒嘯沐春風知交迎竹徑鳥  
鳴山共歡桂馥詩添興絕愛石花園澄潭心爽淨

黃小梅

茹寒

湖上題襟

癸巳  
外集

四一

遊蘇山鶴舍古村押浣字

逕集慕聲名參尋同一貫閭閻各洞連塘坳堪湔浣寶  
物拭而光人風幽且粲幾時玄鶴歸延竚松雲斷

過馬鞍島於自號茹寒中拈得茹字

行行澤畔頗安如一路風光到眼徐已禁春漁閑罟网  
甫收宿露潤蔬茹經春花樹榮還謝若夢煙雲捲又舒  
萬頃波滄塵小隔寺鐘迢遞入清虛

題鍾松林先生新宅分韻得何字

之子重鄉土卜居山澗阿高樓倚雲立嘉木發枝多日  
聚元辰氣月生彭蠡波勞筋有時息神思爽如何

徐建國挺寶

奉題鍾松林先生新宅得妨字

不訪名山與大江鍾家勝景採何妨樓連碧野村頭立  
池映藍天院內藏釣友常邀商友樂山花永伴桂花香  
休言野老無奇趣漫飲三杯日月長

陳逸雲清溪翠流

遊袁學舍古村拈舍字

華表一回鶴滄桑凡幾化眼前百廣廈誰料本三舍古

湖上題襟

癸巳  
外集

四二一

苔覆牆根芳草出檐罅地偏主好客逢道喜邀迓一門  
一故事一言一感詫臨別復回首抱揖遙相謝

馬鞍島自於拙號中拈得流字

鄱湖春漲馬鞍浮古渡荒空浪拍舟旣往朱陳鏖戰處  
惟餘汗漫逝波流薰風有信花開浦遠客無猜鷺下洲  
此境果宜生俊彥烽煙合共帝圖休

題鍾松林先生新宅分韻得日字

君以勤立世功成乃築室居近元辰山自有仙人弼加  
之鄰鄱湖三才暗合一砌欄雕雲根結籬編鶴膝斜陽  
樓角落明月池心出老未忘耕趣園蔬喜新茁遂此享

天倫歡愉無竟日

訪一得兄歸來有賦兼柬都昌諸吟長

輕車繞春岸訪鶴向鄱灣近墅高聲喚呼莊蝶夢還湖  
波千頃譎子飲一瓢閑談古風生致傷今竹欲斑將暝  
備雞黍延我識鴻班君性月冲淡吾心日赤殷遂爲忘  
歲契牽挂水雲間

將抵都昌電話報信時一得  
兄方曲肱入睡故有第二聯

王洪興

拈浣字有感於保護鶴舍古村

大夫門第仕宦名深巷高牆藏史典壁上飛簷巧匠裁

### 湖上題襟

癸巳  
外集

四三

谿前照月村姑浣亂時遭劫自磨難盛世重修當慶衍  
猶有古香舒玉顏淳風臥雪開書卷

馬鞍島自擇賤名中紅字

故地曾遊逸興濃湖光時入夢魂中藍天白鷺詩情畫  
綠水青山造化功鎖島連鏈成歷史導航燈塔綻新紅  
高樓林立滄桑變好友親朋愜意同

分得偶字讚松林別墅

一覽華居老眼開鍾靈毓秀昭門首清溪映月柳吟風  
寶墅朝陽華掩牖院內生機沐瑞光堂前紫氣衝牛斗  
詩碑餘韻繞山莊獨具匠心無有偶

胡東春

癸巳立夏采風因事未能踐約遙領窺字有贈鍾  
松林弟用鶴頂格

鍾靈毓秀鳳聲唳府貴泥芳燕自窺松下行來千客步  
林間引出百花枝家遷錦上添春色業創源頭兆福基  
興起門閭鄉里譽隆恩承謝太平時

李映斌紅葉

馬鞍鳥未赴自拈葉字呈一行諸友

湖上題襟

癸巳  
外集

四四

謫落誰知幾許年孤懸不與塵寰接日邊兀兀類枯僧  
波上潑潑如貝葉千古何曾仙舸邀周遭剩有狎鷗涉  
蓬萊太息竟緣慳寄託聊憑思一霎

顧青泓從山

於某姓字中拈山字爲韻寄都昌諸友

浪爲奔馬鳥爲鞍好護群公訪翠鬟柳色佳人瓔珞下  
潮聲春雨佩珠還劇憐遊夢炊纔半不見天涯歲又刪  
此去鄱湖隔明月一時魂想坐雲山



礮山湖道暑

吳榮森柏窗

眾詩友炎夏遊礮山湖排澇站分韻拈礮字兼謝  
站領導及同仁

春風曾密約遊屐踐炎暉排水開新境隔煙望大礮落  
霞何燦燦幻影若微微一握真情在香車載夢歸

王學炳  
礮山釣客

遊社山分壓山字

湖上題襟

癸巳  
外集

四五

悠悠彭蠡水浪擊石痕斑無障清眸遠翔洲銀鷺閑涼  
風驅酷暑長壩鎖幽灣一幅湖鄉畫天然懸社山

社山道中

一路炎威未爽身車馳滾滾卷黃塵間鳴知了渾無力  
欲墜斜陽尙有神壟畝田開千道縫村童涼納半園筠  
旱魔肆虐猶忘倦苦煞平疇莊稼人

江德玉  
思仁

訪礮山湖排澇站依齒分得湖字

雅客韻聲呼踏歌彭蠡湖社山風電送站泵水雲鳧目

攬千秋業情畱一幅圖敢將輪葉轉排浪護三都

吳江春

觀瀾

磯山湖排澇站訪友依齒分得排字

訪朋酷暑已忘骸日自炎炎汗自揩湖岸依山舒倦眼  
風機發電轟危崖天心水面無遺覽漁網沙舟有序排  
品茗漫談塵世事主賓相悅兩開懷

陳忠平

一得愚生

季夏湖上諸子客社山排澇站予外遊不赴遙領

湖上題襟

癸巳  
外集

四六

澇字

昔我水雲鄉連年傷積澇市衢過白魚田舍泛青稻佈  
政自矜持生民何潦草詫歎新禹功毋患蟻隄倒

黃小梅

茹寒

見邀磯山湖排澇站觀光分得站字

指目水之涯清風涼可蘸雙磯峙寶屏萬頃開靈鑒高  
曠鷺相呼平澄舟自泛雲波散落霞宛在天心站

## 南山翫月

自荷花社後困於炎暑久未起社偶與詩朋過從率不過閑談而已一日許文華先生來敝號茗坐言及先伯祖傘公遺事不勝唏歔慨嘆之至民國三十五年丙戌倭寇降後首度中秋公偕向法宜徐誦青孫寄冰吳笑天邵益我邵醉窗蘆庭彩諸邑賢燕集於西街四美樓最高頂賞月以上平十五刪韻同賦從和者甚夥極盡一時之盛況也惜乎諸公述作大半軼失惟傘公所作僅存云非露非霜白滿山波光倒影一天斑銀河對向分明直皓月當空不見彎座上品茶津有味意中得句笑開顏玉皇捧出玲瓏餅賞賜群仙八片刪時許老年甫十三同座後學李瑛薪余正新稍長

### 湖上題襟

癸巳  
外集

四七

亦未弱冠嗚呼寒暑頻替星霜幾換忽忽六十七年矣座中諸老早登仙鶴而去而三後生亦僅存許先生一人耳今歲中秋恰值公逝六十周年適得南山靈運塔住持頓佛法師東邀齋席拜月殆非冥冥之中天意暗合乎嗟乎往賢之騷雅難追斯時之風月仍是況吾等逢承平之世感慨又自不同是夕之盛況雅致俱見諸吟詠不復贅述與會詩作例以齒序而從和者未遑備考略以見永時間次第吳榮森柏窗謹識於交枝堂

## 許文華

步原韻奉和先師傘公丙戌中秋

中秋結伴上南山石徑通幽曲又彎寶塔亮燈開眼界  
銀河朗月少雲斑騷人覓句生神韻佳作連篇展笑顏  
良夜品茶情更切分嘗果餅用刀刪

吳榮森柏窗

擬於中秋夜南山寺賞月預作邀客詩同先伯祖  
傘公上平十五刪韻

小城盡處即南山倒映鄱湖一水間靈塔倚天開境界  
法雷灌頂啓愚頑風生峭壁松煙直月透層雲桂影斑  
短信遍傳蓮社友清宵宴賞韻先頒

湖上題襟

癸巳  
外集

四八

中秋夜賞月南山兼謝頓佛住持再依十五刪韻

團團秋月滿溪山夜色空明小徑彎野老泉吟松石冷  
古南梵唱氣神閑十方世界祥雲護萬戶樓臺碧水環  
靈運塔高通淨境清風借力好登攀

滿庭芳

倭患終消良宵又是暫忘世局危艱樓陳四美玩月句  
同刪陸拾柒年前事早都付塵迹斑斑但鐘梵不知今  
古依舊此湖山嵯峨新塔上闌干撫拂騷雅追攀看  
燈火萬家珮列星環漫說勞身碌碌也偷得片霎時閑  
徘徊處澄天碧水吾且樂其間

王學炳 礪山釣客

中秋夜見邀登南山次傘翁原韻

值此良宵涉此山銀光瀉谷影斑斑雲旋峰頂石階曲  
水落草灘航道彎七級浮屠通碧漢三分酡色上衰顏  
多情月煥吟情發信手拈詩不用刪

瞻靈運塔用十五刪韻

寶塔輝煌耀九寰高雲直接鳳池班層層石級層層陡  
登涉尤知世路艱

滿庭芳 石階小憩試賦此解

湖上題襟

癸巳外集

四九

彭蠡湖濱都昌腹地古南峰扼城關盛名千載曾惹昔  
賢攀野老巖泉淨澈生輝處蘇墨娟娟尋蹤跡一壺老  
酒陶醉水雲間消閑秋夜美風清月白遠眺憑欄寬  
燈亮南門樓立湖填寶塔層層危聳豪光閃搖影斑斑  
揮椽筆藍圖巧繪似換了人寰

江德玉 思仁

癸巳中秋夜登南山仰和先賢吳傘公二首

彭蠡一名山良宵結伴攀佛光金燦燦寶塔影斑斑月  
賞摩天嶺詩吟畫境間見邀情在此偕樂享悠閑

秋風秋韻蕩鄉關欲借天梯望遠山半盞香醇添雅興  
一輪明月照塵寰何談昔日戎行別更喜今宵俗氣刪  
每憶邊疆千里帳相逢舊雨夢中還

吳江春觀瀾

中秋南山賞月約壓十五刪

見邀月夕上南山三五清輝照九寰銀漢雲纖星耿耿  
塔燈光賁影斑斑莎蛩聲續風猶軟桂子香飄意自嫻  
欲對嫦娥仙子問廣寒宮可似人間

癸巳月夕見邀并諸同人客南山寺次韻先賢吳

湖上題襟

癸巳  
外集

五〇

傘公丙戌中秋

東昇玉兔出蓬山暮氣初凝薤露斑拾級沿階蒼徑直  
良宵聚首笑眉彎素齋精舍品禪味次韻分題未汗顏  
佳節同懷猿鶴夢詩情滿腹不須刪

月夕客南山寺寄頓佛住持

淨雲閣聳淨雲間拜謁大師天步艱香茗杯中結新誼  
菩提樹下仰溫顏肇修梵道高而遠何懼青燈貧與鰥  
普渡眾生施妙法晨鐘暮鼓佛恩頒

陳忠平 一得愚生

滿庭芳

柏窗兄折柬相邀中秋南山翫月之會限用上平十五刪予念及雲門群中與高秋紛紛紅葉有同調倚聲之約旬月未就對此良辰佳會感慨曷勝乃試賦一解斯可謂兩得矣

松竹參差亭臺掩映冰泉石上潺潺鏡湖瑩澈咫尺隔塵寰向慕名賢勝事恰明月端正秋山試呼取鷺朋鷗侶追夢白雲間靈輝延塔滿振鈴風脆篩影林斑漫分席拈花淺笑僧閑蔬果清茶禪趣渾忘卻身病時艱題襟處倩誰言約泛菊再同攀

柏窗兄又命次韻乃作登靈運塔長句

湖上題襟

癸巳外集

五一

俯瞰人頭簇滿山星燈散入夕煙斑蟲鳴衰草急還亂竹立秋風折不彎且近梵天同拜月得聞妙樂足忘顏清光每自圓時減莫恨桂枝繁可刪

月夕法會歸後寄謝頓佛禪師再用十五刪

郭外叢林近可攀勝騎白鹿訪名山七重塔影玲瓏裏萬疊波光滉漾間石壁舍幽莎徑冷松蘿月淨茗煙閑來消塊壘何須酒坐對菩提一叩關

黃小梅

茹寒

癸巳中秋南山雅集次韻吳傘公中秋詩

明月照湖山光搖秋影斑俯憐城市小仰嘆昊穹彎踵  
步循高徑臨風弔古顏感茲清絕地繁慮一應刪

登塔追月限十五刪韻

浮屠聳峻石梯環呼吸調勻亦易攀倚檻孔偕濠上侶  
喚蟾圓滿水邊山蟲吟不礙梵聲遠僧立真如鶴影閑  
合手持香深一拜清輝莫吝灑人間

以下時序銓次

莊志霞

謹步吳傘先師丙戌中秋原韻奉和并祝都昌文  
友中秋佳節詩會佳作連珠

湖上題襟

癸巳  
外集

五二一

遙望南山水復山群星璀璨少雲斑騷人薈萃皆知已  
皓月團圓不見彎詩溢才華生雅韻電傳信息笑開顏  
都昌美譽傳天下分享殊榮將餅刪

顧青滋從山

滿庭芳中秋日湖上諸子雅會南山玩月乃千里遙祝并次一得兄韻

泉老山南松披寺北幾人同與淙潺優容高會明月洗  
喧寰遙想群公滿座分吟處朗對湖山正思取鷗舟蘆  
雪秋又滿詞間浮生滄海遠歸鴻驚照素影闌斑且  
長恨兩間老翅難閑自看瑩瑩冰玉徒相照謾怪途艱



聊樽酒溪亭分付勝日可追攀。

袁德芳元辰山人

月夕無緣南山雅集得瞻諸子大作若臨其境感  
慨同之亦次傘翁原韻

月下城池水上山秋痕波影各斑斑扶雲寶塔撐天破  
遮蔓蒼崖夾道彎斗藪塵埃風振袂喧騰燈火夜開顏  
眼前草木皆靈物一葉一枝何忍刪

張玉采

湖上題襟

癸巳  
外集

五三

敬步吳傘老先生丙戌中秋原韻

澄澄皓月照南山皎皎天河未有斑淡淡銀光清似水  
圓圓盈滿亦無彎嫦娥歲歲容如玉人面忽忽花改顏  
昔日英才今已逝獨畱詩稿意難刪

吳和貴

步吳傘翁丙戌中秋原韻

月明如晝見青山玉宇澄清無點斑天上光輝皆正直  
人間道路有畸彎緣何丹桂藏芳鬱難得嫦娥露笑顏  
舉國同歡欣此夜惟吾造句幾刪刪

今年桂花  
遍地未開

王洪興

拜讀德芳先生詩乃知湖上諸子有南山玩月之  
會亦次傘公遺韻追和之

玉作清輝灑滿山秋風漫度鬢毛斑仰看雲嶠三千尺  
拾取苔階九曲彎野老泉中仍古月愛鄉亭畔盡新顏  
華燈皎若群星燦顆顆珍珠豈可刪

胡東春

讀德芳洪興二友次先賢傘翁中秋詩得知諸君

湖上題襟

癸巳  
外集

五四

南山雅集予亦和之

偶聞老友聚南山風致於詩見一斑漁火街燈相映照  
竹蹊石級任回彎舉頭仍是古來月放眼盡皆新換顏  
高塔登臨如有再定將得句與同刪

袁偉琴浣秋

步諸君中秋之集韻奉和

月色溶溶萬仞山丹楓桂影迭天斑長空星斗隨更轉  
大地江流繞渚彎猶記冰輪昇起景難忘玉鏡別時陰  
晴圓缺人生事一半珍藏一半刪

## 余村采風

湖上諸子頃作蘇山迎夏之會有賦鍾宅詩松林先生刻碑以存之蓋亦鄉村尚古好雅之創例宜乎其不脛而走也適余良三村欲美村容謀策於江松寶先生遂偕村中長老命駕堰上觀摩攷索良有觸焉志不欲彼獨擅專美也時維公元二零一三年癸巳霜月下浣天氣晚秋金菊餘芬紅蓼甫盛吾等十二人如約而至越陂塘而穿田塍望白鷺矯翻於秀野撥茅棘而覓樵徑聽清泉鳴漱於幽澗弔藥王於石亭謁佛庵於雲頂賞樓臺之富麗感風俗之古樸人情之淳和醞釀於腑底景物之幽秀紛遞於筆端爰得詩詞二十又八章各家篇什不一例以年齒銓次鏤篆於左俾

### 湖上題襟

癸巳外集

五五

爲後來君子探幽訪勝先引而已矣 一得愚生陳忠平謹識於野雲廬

## 夏道堯堯夫

### 春橋余良三村采風五章

吟朋際會訪山鄉魚正肥時稻正黃田野風光秋織錦  
良三村貌亮堂堂

新農村建邁康莊致富人家百業昌山水鍾靈生態美  
天藍地綠著新妝

縱橫石徑到家門公路穿街接遠村興貿興工金鳳引

亦鄉亦市樂桃源

活動中心議事堂  
休閒寓樂健身場  
稻花香送風前曲  
曼舞輕歌雅韻揚

藥王莊上望雲山  
聳翠層巒霄漢間  
蜿蜒恰如龍步舞  
澗深林茂水潺潺

袁德贊

鄱湖愚夫

余良三新村掠影兼謝鄉村盛情邀遊

古村千載煥然新  
活動中心怡主賓  
道路縱橫連市井  
山莊秀美隱松筠  
廣場同樂精神爽  
企業方興捷報頻

湖上題襟

癸巳  
外集

五六

覽勝喜登雲頂廟  
影畱秋色正宜人

吳榮森

柏窗

客余良三村題贈

山有靈犀水有神  
樓臺簇擁翠紅新  
豐碑啓立銘宗緒  
曲巷通連睦族親  
到眼雲紛時景異  
扶頭酒醉古風淳  
富餘乃得斯文尙  
拊手遠招題壁人

藥王亭弔古

莫嘆竹林孤苦甚  
懸壺一世救塵寰  
亭間千古溶溶月  
祇解清輝照故山

遊白雲庵

不礙高天出岫雲。梵宮香火往來勤。悠悠歲月忽忽夢，  
盡入籤中乞巧文。

王學炳

礪山釣客

賞余良三村風貌

佇立銀階賞畫圖。山村秀麗綴明珠。九天瑞靄浮新廈，  
一片金波過翠蒲。遠聽清音泉洶澗，近看桔圃果盈株。  
恩承累代裔孫福，再續輝煌十九都。

望江南

余村山城花園

湖上題襟

癸巳外集

五七

初燈上。攜幼早登場。花卉新奇新吐艷，圍牆古色古添  
香。笑語漾山鄉。

登雲頂山

登攀小徑斜。木落秋山靜。清脆鳥回音。淡香花疊影。舒  
懷捧澗泉。臥石親峰景。一縷紫煙浮。方知臨佛境。

謁藥王山莊

撲面秋風詩思飄。菊黃萸紫溯前朝。憐民遍采雲中藥，  
解乏悠吹霧裏簫。久煉丹方家尙在一辭故里迹難消，  
亭間古木傲霜雪。別後怡然色更嬌。

江德玉思仁

客余良三新村

古村新貌造型奇借趁清風正適宜  
曲巷盤回連草市高樓櫛比賽花枝  
耕餘隨地成娛樂客到逢人祝福祺  
一縷溫馨催我醉觸眸無物不堪詩

藥王亭

野草堪爲束持來薦藥王碑亭鐫事迹  
藥石起膏肓竹植千竿蔭誰承一瓣香  
徘徊南北徑惆悵問秋陽

湖上題襟

癸巳外集

五八

袁德芳元辰山人

見邀客訪余良三村過鳳金嶺

雅愛斯文浪漫情鳳雞新冠鳳金名  
劃將黑土黃沙地製作紅花綠草坪  
映日池邊人笑靨放歌院後鳥和聲  
田家爭逐諸方客坡道羊腸一砥平

謁藥王山

木自森森竹自閑石階曲步藥王山  
一亭風月承明裏千古雲煙指點間  
看取青碑如玉立傳言妙手奪春還  
登臨頗動追思遠想見當年野鶴顏

入白雲庵

樵道穿林幾曲盤與峰同在白雲端萬家籬落入煙紗  
數隻蜩螗嘶日寒僧去倩誰宣唄唱我來趨此肅衣冠  
蓮花法座莊嚴在例爲人間祝泰安

袁美泉西園齋主

應邀客訪余良三新村

正開金菊訪賢莊舊換新顏播外鄉燈月交輝增畫意  
樓臺櫺比聳穹蒼眼前和樂初成夢追遠竹林思藥王  
今日深霑甘露澤良三後裔福綿長

湖上題襟

癸巳  
外集

五九

江松寶

客余良三村感懷

白雲山下古田莊沾被化風新換裝園圃吐華何燦燦  
樓臺映日各堂堂暮歸穀酒呼鄰醉晨練雞聲共笛揚  
客子相詢無不喜農村城市夢同香

藥王亭

鳳金嶺上藥王亭軼事搜羅玉石銘莫爲秋深感搖落  
新栽篁竹尙青青

吳江春  
觀瀾

見邀客余良三村

煙村余氏始良三福納群山百尺嵐阡陌相鄰紅蓼澤  
堂門遙對白雲庵素牆黛瓦依鱗櫛綠樹青枝帶露柑  
淳樸民風承祖訓溫恭儉讓自深諳

藥王山懷古

淒切寒蟬噪嫩寒殘秋憑弔藥王山懸壺匡濟貧兼弱  
曠世消磨劬與鰥無限豐功成典範有爲盛譽播鄉關  
後昆追遠懷清德立傳樹碑昭九寰

遊白雲庵

湖上題襟

癸巳  
外集

六〇

白雲庵上白雲飛林木葳蕤入翠微梵宇孤高參碧落  
佛身重塑賁金衣靈山不爲季秋瘦野草卻因泉水肥  
乘興豈知遊足倦流連幽境幾忘歸

陳忠平  
一得愚生

阮郎歸  
深秋訪余良三村前雲頂山蛤蟆澗

新村嘉氣日鎔金樓臺望碧岑田翁援引踏松鍼當年  
樵徑尋溪石轉澗雲深紫泉鳴玉琴茅叢疑臥九  
苞禽風煙閱古今

浣溪沙  
甲藥王



太古風遺別有村。蘆花素潔蓼花辛。谿頭曾臥一幽人。  
活命時稱調鼎手。燒丹日採住山雲。梅妻鶴子竹爲孫。

徐建國 挺寶

### 余良三村藥王臺

藥王坡上藥王臺。修竹亭亭迓往來。好古風情真激賞。  
鐫碑事迹漫懸猜。絕無良相關金冊。多有妙醫湮野菜。  
民口咸傳功自永。曷須更羨一時才。

黃小梅 茹寒

### 湖上題襟

癸巳  
外集

六一

### 霜降後三日應邀客余良三村寫景

千年仰緒功世德。承芳烈靈瀑細偏長。寒蟬高自潔池。  
搖野蓼紅竹掩粉牆。白村景與時新素。風應有益。

### 湖上題襟癸巳外集終

題簽 王執堪

輯錄 陳忠平